

Friedrich-Wilhelmshafen.

60. *Ponera papuana* n. sp. (Tab. VIII. fig. 10—11.)

Operaria. Picea vel (immatura) ferrugineo-testacea, mandibulis, funiculo, trochanteribus; tibiis, tarsis anoque dilutius rufescentibus, capite opaco, thorace abdomineque superne subopacis, lateribus magis minusve subnitidis, tenuiter pubescens, thoracis dorso abdomineque breviter pilosis. Corpus totum creberrime punctatum, interstitiis punctorum opacis, microscopice scabris, squama petioli postice et segmento postpetiolari antice levioribus, nitidis. Caput longius quam latius, postice truncatum, lateribus leviter arcuatis, oculis minutis, paulo ante quartam partem capitatis laterum anteriorem, clypeo medio elevato et obtuse carinato, mandibulis nitidis, subtiliter punctatis, margine lateralii vix sinuato, masticatorio apice dentibus 4 acutis, basi crenato, antennarum scapo marginem occipitis fere attinente, funicolo apicem versus incrassato, clava 5 articulata sat distincta. Thorax dorso late arcuato, haud inciso, sutura meso-epinotali plerumque vix distincta, pagina epinoti declivi marginata, nitida, cum basali angulum valde obtusum (plus quam 120°) amplectente. Petioli squama epinoto latior, paulo magis quam dimidio altior crassitie baseos, paginis antica posticaque subparallelis. Segmentum sequens superficie antica subplana, infra denticulo acuto. — L. 2—2¹/₄ mm.

Foemina. Paulo major (2¹/₄—2¹/₃ mm.) notis solitis ab operaria differt. Alae ignorantur.

In montibus Hansemanni et Insula Tamara.

61. *Ponera pruinosa* n. sp. (Tab. VIII. fig. 13—14.)

Operaria. Obscure fusca, mandibulis, funiculis et pedibus magis minusve fusco-ferrugineis, subopaca, ubique aequaliter, subtilissime punctata et tenuissime pruinoso-pubescentis, pilis in corpore paucis, in pedibus et scapo nullis. Caput (sine mandibulis) paulo longius quam latius, postice arcuatim emarginatum, angulis posticis valde rotundatis, oculis majusculis (stemmatibus in diametro longitudinali 5—6, in uno oculo circiter 20), mandibulis nitidis, denticulatis, dentibus apice tribus majoribus, clypeo basi carinato, margine antico medio in lobulum apice subemarginatum producto, superficie lobuli postice in carinam ascendentem, subconcava, trigona, nitidissima, laminis frontalibus brevibus, disco communi subplano,

anteriorem positis (in *P. Perkinsi* ad 1/5 partem); thorax fere ut in *P. Perkinsi*, suturis distinctis, sed non impressis; petiolus squama ovata, crassissima, antice paulo altiore quam ad basin crassa, a latere visa superne vix attenuata et obtuse subtruncata. — L. 3 mm.

Nova-Caledonia, Noumea. Specimen unicum in coll. Dom. ER. ANDRÉ. — Præsertim squama quam in affinibus multo crassiore agnoscenda. Forsan subspecies *P. Perkinsi*.